

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK



БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ  
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 87 50 30, Fax: 00387 35 87 66 47, e-mail: [opcina.banovici@bih.net.ba](mailto:opcina.banovici@bih.net.ba), Web: [www.opcina-banovici.com.ba](http://www.opcina-banovici.com.ba)

Broj: 01-05-1383/16-3  
Datum: 06.09.2016 godine

Na osnovu člana 64. stav 1. tačka b. a u vezi sa članom. 89. , člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 70 Zakona o organizaciji organa uprave FBiH („ Sl. Novine FBiH“ br: 35/05 ) čl. 15. Zakona o principima lokalne samouprave u Federaciji Bosne i Hercegovine („ Sl. Novine FBiH“ br: 49/06) čl. 42. Statuta Općine Banovići ( Sl. Glasnik općine Banovići br: 3/08) na Preporuku Komisije za javnu nabavku u postupku javne nabavke: „Nabavka posuda za otpad u okviru projekta proširenja područja organizovanog skupljanja i odvoza otpada“ Općinski načelnik donosi :-

## ODLUKA O IZBORU NAJPOVOLJNIJEG PONUĐAČA

### Član 1.

Prihvata se Preporuka Komisije za javnu nabavke i Ugovor za javnu nabavku : „Nabavka posuda za otpad u okviru projekta proširenja područja organizovanog skupljanja i odvoza otpada“. dodjeljuje se ponuđaču „T&A AUTO“ d.o.o. Visoko, Zanatski centar „Sebilj 2“ bb, 71300 Visoko ponuda broj: 047-08/2016. god., za ponudenu cijenu od 50.000,00 KM, bez PDV-a, kao najbolje ocijenjenom ponuđaču.

### Član 2.

Prijedlog Ugovora o nabavci dostaviće se na potpis izabranom Ponuđaču „T&A AUTO“ d.o.o. Visoko, Zanatski centar „Sebilj 2“ bb, 71300 Visoko, po protoku roka od 10 dana, računajući od dana od kada su svi ponuđači obavješteni o izboru najpovoljnije ponude.

### Član 3.

Ova Odluka stupa na snagu danom donošenja i objavit će se na internet stranici [www.opcina-banovici.com.ba](http://www.opcina-banovici.com.ba) istovremeno s upućivanjem svim ponuđačima koji su učestvovali u postupku javne nabavke, u skladu sa članom 71. stav 6. Zakona o javnim nabavkama ( Službeni glasnik Bosne i Hercegovine, broj 39/14).

## Obrazloženje

Odlukom o pokretanju postupka javne nabavke robe broj: 01-05-1383/16 od 19.8.2016. godine, donesenom od strane ovog organa pokrenut je postupak javne nabavke roba „Nabavka posuda za otpad u okviru projekta proširenja područja organizovanog skupljanja i odvoza otpada“ . Predmetna javna nabavka predviđena je Planom javnih nabavki općine Banovići za 2016. godinu, odnosno Izmjenama i dopunama plana javnih nabavki , evidencijski broj 3d.1.

Javna nabavka robe sprovedena je konkurentskim zahtjevom za dostavu ponuda.

Procijenjena vrijednost javne nabavke bez PDV-a je 49.999,00 KM.

Broj Obavještenja o nabavci sa portala javnih nabavki: 1220-7-1-147-3-47/16 od 19. 08. 2016. godine.

Komisija za javnu nabavku, imenovana je rješenjem broj: 01-05-52/15 od 28.01.2015. godine.

Komisija za javnu nabavku dostavila je dana 06.09.2016. godine, Zapisnik o pregledu i ocjeni ponuda broj:01-05-1383/16-1 od 05.09.2016.godine sa preporukom o izboru najpovoljnijeg ponuđača koja je sastavni dio zapisnika o ocjeni ponude , u postupku javne nabavke Nabavka posuda za otpad u okviru projekta proširenja područja organizovanog skupljanja i odvoza otpada“ .

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 5 (pet).
- da su blagovremeno zaprimljene 5 (pet) ponude.
- da su ponude svih ponuđača, prihvatljive.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijumima iz Tenderske dokumentacije.

U postupku ocjene provedenog postupka, Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za javne nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskim dokumentom.

Uvidom u priloženu dokumentaciju, utvrđeno je da su ponuđači dali slijedeće ukupne cijene ...

	<b>Naziv i sjedište ponuđača</b>	<b>Ponuđena cijena( bez PDV-a)</b>
1.	„SV COMPANY“ d.o.o. Trn - Laktaši	42.900,00KM
2.	„FEMETALL“ d.o.o. Zenica	44.000,00 KM
3.	„WINTEC“ d.o.o. Sarajevo	47.334,00 KM
4.	„T&A AUTO“ d.o.o. Visoko	50.000,00 KM
5.	„HYPOMARKET“ d.o.o. Srebrenik	51.871,00 KM

Iz zapisnika komisije utvrđuje se da je u ovom postupku ugovorni organ u tački 7. tenderske dokumentacije ukazao da će u ovom postupku javne nabavke primjeniti preferencijalni tretman

domaćeg u skladu sa Odlukom o obaveznoj primjeni preferencijalnog tretmana domaćeg, („Službeni glasnik BiH“ broj: 103/14). U smislu navedene odluke, domaće ponude su ponude koje podnose pravna i fizička lica sa sjedištem u BiH, koja su registrirana u skladu sa zakonima BiH i kod kojih najmanje 50 % ukupne vrijednosti od ponuđenih roba ima porijeklo iz BiH. Stim u vezi ponuđači koji su ispunjavali odredbe po preferencijalnom tretmanu domaćeg, mogli su uz ponudu dostaviti potvrdu o zadovoljavanju uvjeta za izdavanje certifikata o BiH porijeklu proizvoda od Vanjskotrgovinske komore BiH, na što je također ukazano u tenderskoj dokumentaciji. Iz zapisnika komisije utvrđeno je da je ponuđač „T&A AUTO“ d.o.o. Visoko jedini od ponuđača dostavio potvrdu Vanjskotrgovinske komore BiH broj: 05-3-27-2589/16 od 23.08.2016 godine kojom se potvrđuje zadovoljavanje uvjeta za izdavanje certifikata o BiH porijeklu poncinčanih kontejnera za smeće 1,1 m<sup>3</sup>. Shodno tome ugovorni organ je postupio prema tački b) stav (1), Odluke o preferencijalnom tretmanu domaćeg kojim određeno da je ugovorni organ obavezan prilikom obračuna cijena ponuda, u svrhu poređenja ponuda, umanjiti cijene domaćih ponuda za preferencijalni faktor od:

- 15% za ugovore koji se dodjeljuju u 2015. i 2016. godini.

Uvidom u priloženu dokumentaciju primjenom preferencijalnog tretmana domaćeg na ponudu ponuđača „T&A AUTO“ d.o.o. Visoko utvrđeno je da je najpovoljniju ponudu dao

	Naziv i sjedište ponuđača	Ponuđena cijena( bez PDV-a)
1	„T&A AUTO“ d.o.o. Visoko, Zanatski centar „Sebilj 2“ bb, 71300 Visoko	50.000,00 KM ( preferencijal 15% 42.500,00KM)

Iz navedenih razloga, primjenom člana 64. stav 1. tačka b. a u vezi sa članom 89. Zakona o javnim nabavkama, odlučeno je kao u članu 1. ove Odluke.

#### **POUKA O PRAVNOM LIJEKU:**

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 5 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

#### **DOSTAVITI:**

- 1x Svim ponuđačima  
koji su učestvovali u postupku JN
- 1x U spis
- 1x a/a



**OPĆINSKI NAČELNIK**

**Midhat Husić**